

indulgentias quæ in posterum a Summis Pontificibus suis pro tempore successoribus ecclesiis totius ordinis concederentur. Hinc orator humillimus, summa fretus S. V. charitate et clementia qua ordinem suum prosequitur, supplicat ut eandem gratiam impertiri dignetur fratribus et monialibus jurisdictioni ministri generalis totius ordinis Minorum subjectis, qui, aut quæ, senes, infirmi, aut imbecilles in valetudinario diversantur, nec ecclesiam adeunt, sed in interno oratorio aut sacello preces suas ad Deum effundere solent, quoad indulgentias hætenus concessas et in posterum a Summis Pontificibus concedendas ecclesiis ejusdem ordinis. Pro qua gratia, etc.

« Ex audientia Sanctissimi die 11 Septemb. 1753, Sanctissimus petitis annuendo pro gratia benigne concessit ut fratres et moniales ministri generalis ordinis Minorum Observantium jurisdictioni subjecti, qui ex introscriptis causis senectutis, infirmitatis, ac imbecillitatis in valetudinariis diversantur, visitato oratorio aut sacello in eodem valetudinario existente, indulgentias de quibus in precibus lucrari possint, et valeant ac si ecclesiam ejusdem ordinis visitarent; reliquis expletis juxta præscriptum explendis. »

J. C. Boschi, Secretarius.

Tertius tandem.

Beatissime Pater,

Frater Carolus M. Perusinus, commissarius generalis curiæ ordinis Minorum de Observantia, ad pedes S. V. humillime provolutus, exponit qualiter cum P. Raphael a Lugagnano, præteritus minister generalis ordinis, V. S. supplicaverit pro altari privilegiato quotidiano perpetuo in qualibet ecclesia fratrum ejus jurisdictioni subjecta, S. V. clementer pro gratia indulsit, prodiitque rescriptum. — Ex audientia Sanctissimi die 17 Decembris 1748. — Sanctissimus benigne annuit pro gratia juxta petita, pro missis tamen quæ a Fratribus Minoribus Sancti Francisci in altaribus per ordinarios respective designandis celebrabuntur; et voluit etiam gratiam hujusmodi per hoc præsens rescriptum perinde valere ac si per apostolicas litteras in forma brevis solitis omnibus muniti clausulis expedita fuisset.

Joseph Levizzani, Secretarius.

Nunc vero orator obsequentissimus, cum non videat in eodem indulto comprehensas quoque ecclesias sanctimonialium ejusdem ministri generalis jurisdictioni subjectas et aliunde sciat orta esse hac de re dubia inter fratres, omni cum animi demissione supplicat ut sua paterna clementia dignetur S. V. declarare etiam antedictas monialium ecclesias in relato indulto esse comprehensas. Cum porro fratres senes, infirmi, aut imbecilles ejusdem ministri generalis jurisdictioni subjecti hac gratia gaudere non possint, ut qui semper in valetudinario diver-

santur, in ejusque oratorio sacrum dumtaxat faciunt; hinc idem orator omni cum animi demissione supplicat S. V. ut dignetur declarare altare privilegiatum quotidianum perpetuum illud memorati oratorii seu sacelli valetudinarii pro eisdem tantum fratribus. Pro quibus gratiis, etc.

« Ex audientia Sanctissimi die 22 Septembr. 1753, Sanctissimus petitis benigne annuendo, gratiam altaris privilegiati, de qua in precibus, etiam ad ecclesias monialium ministro generali ordinis Minorum Observantium jurisdictioni subjectarum benigne extendit, pro missis tamen prædictis in ecclesiis a fratribus ejusdem ordinis Minorum celebrandis, forma enuntiati rescripti Sanctitatis Suae in reliquis observata; idemque privilegium altaribus in oratorii valetudinariis respective existentibus, pro religiosis senibus, infirmis, atque imbecillis inibi celebrantibus clementissime juxta petita concessit. »

J. C. Boschi, Secretarius.

Quoniam autem memoratus dilectus filius Carolus Maria Perusinus, commissarius generalis ordinis Minorum de Observantia, nobis nuper humillime supplicari fecit ut hujusmodi præinsertos supplices libellos, et præinserta nostra rescripta, quo firmius in perpetuum subsistant et servantur exactius, per apostolicas in forma brevis litteras confirmare de benignitate apostolica dignemur: ea propter nos, qui ipsum Carolum Mariam Perusinum commissarium generalem plurimi facimus, et inclytum Fratrum Minorum de Observantia Sancti Francisci institutum novis apostolicæ benignitatis potestatisque testimoniis amplius decorare cupimus, tenore præsentium apostolica auctoritate confirmamus, et quatenus opus sit, omnia et singula in eisdem rescriptis contenta et concessa, iterum concedimus, et perpetuo apostolicæ firmitatis robore munimus.

Decernentes easdem præsentis litteras semper firmas, validas, et efficaces existere, et fore, suosque plenarios et integros effectus sortiri et obtinere, et illis ad quos spectat, et pro tempore quocumque spectabit, plenissime suffragari: sicque in præmissis per quosque judices ordinarios, et delegatos, etiam causarum palatii apostolici auditores, judicari et definiri debere; ac irritum et inane, si secus super his a quoquam quavis auctoritate scienter vel ignoranter contigerit attentari.

Non obstantibus, etc.

Volumus autem, etc.

Datum Romæ apud Sanctam Mariam Majorem, die 21 Januarii 1756, pontificatus nostri anno decimo sexto.

(82. Alterum rescriptum novissimum ejusdem Pontificis, quo plenaria indulgentia conceditur iisdem O. M. fratribus et monialibus infrascripta pia exercitia peragentibus, ut sequitur.

ALLA SANTITÀ DI NOSTRO SIGNORE PP. BENEDETTO XIV.

Per F. Clemente di Palermo, ministro generale de' Minori.

Beatissimo Padre,

« Fra Clemente di Palermo, ministro generale dell'Ordine de' Minori, prostrato umilmente al bacio de' vostri SS. Piedi espone, come da molti religiosi del suo Ordine viene continuamente, e con premurose istanze richiesto della facoltà di visitare i luoghi santi di Roma, di Loreto, del monte d'Alvernia, d'Assisi, e di Varallo; di maniera chè non accordandosi loro la ricercata licenza per impedire il vagare dei frati, o per altri giusti motivi, replicano essi le istanze, interponendovi anco degli impegni, e riducendo spesso volte il superiore in angustie. Desiderando pertanto l'oratore impedire, per quanto può, simili inconvenienti con qualche compenso, per cui e guadagnassero per una parte i tesori delle sacre indulgenze annesse alla visita de' riferiti santuarij, nè si discostassero per l'altra da' conventi di loro collocazione, supplica divotamente la Somma Clemenza di Vostra Santità della grazia, che tutti i religiosi dell'uno e dell'altro sesso soggetti alla sua ubbidienza potessero far acquisto delle suddette indulgenze con qualche divoto pellegrinaggio per rispettivi chiostri, e successiva visita delle proprie chiese, cioè: per le sette chiese di Roma, girando per il chiosstro sette volte, e visitando in fine il SS. Sacramento: pel santuario di Loreto, con tre giri pel chiosstro, ed una visita all'altare o immagine della B. Vergine: con simili tre giri, e visita all'altare o immagine del SS. Crocifisso pel sacro monte di Varallo; e finalmente con tre consimili giri, e visita all'altare o immagine del P. S. Francesco per li santuarij d'Assisi, e di Alvernia; pregando sempre in detti giri, o pellegrinaggi, e rispettive sacre visite per l'esaltazione della sancta madre Chiesa, estirpazione dell'eresie, conservazione del Sommo Pontefice, e per la pace e concordia de' principi cristiani; che della grazia, » etc.

Ex audientia Sanctissimi die 28 aprilis 1758.

« SS. attentis expositis, ministri generalis oratoris precibus annuendo, omnibus et singulis religiosis, viris atque mulieribus ordinis S. Francisci, eidem ministro generali subjectis, unumquodque ex introscriptis piis exercitiis devote peragentibus, semel in anno, eo nimirum respective die quo, præmissa sacramentali confessione, sumptaque SS. Eucharistia, et piis ad Deum preces, ut in supplici libello enunciatur, fundendo, hujusmodi exercitium peregerint, plenariam omnium peccatorum indulgentiam, in forma Ecclesiæ consueta, benigne concessit. »

Loco ✕ sigilli.

J. C. Boschi, Secr.

(83. Rescriptum novissimum Clementis XIII quo indulgentia plenaria conceditur visi-

tantibus aliquam ecclesiam Fratrum Minorum RR. die 21 Novembris, qua festum Omnium Sanctorum ejusdem ordinis celebratur.

Ex audientia SS. die 16 Sept. 1765.

Ad humillimas preces F. Francisci Antonii a Feltria, vice-procuratoris generalis Min. Observ. Refor. S. Francisci, SS. D. N. Clemens Papa XIII omnibus utriusque sexus Christifidelibus vere pœnitentibus, confessis, ac sacra communione refectis, qui aliquam ecclesiam prædicti Ordinis, die vigesima septima Novembris, in qua Omnium sanctorum ejusdem ordinis festum celebratur, a primis vesperis usque ad occasum solis diei hujusmodi, singulis annis devote visitaverint, ibique, juxta mentem Sanctitatis suæ, pie oraverint, indulgentiam plenariam benigne concessit. Voluitque Sanctitas sua hanc gratiam perpetuis futuris temporibus fore validuram absque ulla brevis expeditione.

Datum Romæ ex Secretaria sac. congr. Indulgentiarum, die et anno præfate audientiæ.

N. CARD. ANTONELLUS.

Loco ✕ sigilli.

S. Borgia, sac. congr. Indulg. Sec.

(84. Non omittam aliud Pii Sexti rescriptum, quod hujusmodi est.

Ex audientia SS. habita die 18 Jan. 1778.

« Cum ex parte R. P. D. vicarii apostolici provinciarum Xensi et Xansi, nec non administratoris provinciæ Hukuang in Sinis, exposita fuerint aliquot dubia circa indulgentias quibus gaudent PP. missionarii ordinis Minorum S. Francisci iisdem in partibus commorantes, sanctissimus dominus noster Pius divina providentia Papa VI, referente me infrascripto, sacre congregationis de Propaganda Fide secretario, ad removendam in ejusmodi re quamlibet ambigendi occasionem, mandavit ut prædicti regulares, quocumque in loco versentur, eas omnes et singulas indulgentias consequi valeant quæ universo eorum Ordini concessæ sunt, dummodo tam in plenariis quam in partialibus injuncta opera fideliter adimpleant, et in plenariis sacramentalem peccatorum confessionem saltem triduo ante præmittant, quemadmodum a Sanctissimo Domino Nostro decretum fuit in audientia habita per me ipsum, sacre congregationis secretarium, die 5 Januarii 1777. Insuper declaravit ut Fideles omnes qui in prædictis degunt provinciis Xensi, Xansi, et Hukuang, absque ulla proprii oratorii seu ecclesiæ oblatione, indulgentias omnes lucrari possint quas ordo Minorum habet ex pia liberalitate Sedis Apostolicæ, quatenus tamen præscriptis operibus pari modo satisfaciant. Quia vero nonnunquam accidit, ut ob locorum longinquitatem, vel altera justa de causa impediti tam regulares quam reliqui fideles oratoria seu ecclesias pro indulgentiis designatas visitare nequeant, vel eas visitare plerumque contingat in quibus sanctissimæ Eucharistiæ

sacramentum non asservatur; ideo Sanctitas Sua benigne indulget ut in ejusmodi casibus commutata oratorii seu ecclesiae visitatione et sanctissimae Eucharistiae sacramenti adoratione, in orationem Dominicalem et in actus fidei, spei, charitatis, et contritionis, easdem indulgentias lucrari valeant. Cum autem plenaria indulgentia non semper ab iisdem missionariis et fidelibus acquiri possint ob confessorum defectum, sanctissimus Dominus Noster, ne ideo Ecclesiae thesauris prorsus destituantur, christianis omnibus in praefatis provinciis existentibus benigne concessit ut iis diebus in quibus plenaria aliqua indulgentia recurrit, quam ob dictam causam lucrari nequeunt, quatenus corde saltem contriti, ferventes ad Deum pro S. Fidei propagatione preces effuderint, partialem septem annorum totidemque quadragenarum indulgentiam applicabilem quoque per modum suffragii animabus in purgatorio detentis consequi valeant, perpetuis valituram temporibus.

« Datum Romae ex aedibus sacrae congregationis de Propaganda Fide, die et anno quibus supra.

« *Stephanus Borgia, sacrae congregationis de Propaganda Fide Secretarius.* »

ARTICULUS VI.

Indulgentia quoad ea quae concernunt indulgentias concessas omnibus Christianis fidelibus.

SUMMARIUM.

1. Alios salutantes dicendo suo vulgari vel latino sermone *Laudetur Jesus Christus*, et respondentes *In saecula*, vel *Amen*, aut *Semper*, lucrantur indulgentiam 50 dierum. — 2. Nominantes reverenter nomen *Jesu* vel nomen *Mariae* lucrantur indulgentiam 25 dierum. — 3. Habentes talem piam consuetudinem sic salutandi et respondendi, vel nominandi nomen *Jesu*, si in articulo mortis, ore, vel corde idem nomen invocaverint, lucrantur indulgentiam plenariam. — 4. Recitantes litanias ejusdem SS. Nominis lucrantur trecentos dies indulgentiae; recitantes litanias B. V. M., ducentos dies. — 5. Praedicatorum qui inter praedicandum monuerint auditores ad hunc modum salutandi, invocandi, aut recitandi, seu nominandi nomen *Jesu* et *Mariae*, et quicumque hanc salutationis formam usui esse curaverint, lucrantur easdem indulgentias. — 6. Missae sacrificium devote audientes aut celebrantes lucrantur triginta millia et octocentos annos indulgentiae applicabilis per modum suffragii animabus purgatorii. — 7. Quinquies *Pater* et *Ave* recitantes in honorem passionis Christi Domini et B. Virginis amaritudinum lucrantur decem mille annos indulgentiae. — 8. Recitantes tertiam Rosarii partem lucrantur quinque annos et totidem quadragenas indulgentiae; et insuper lucrantur indulgentias ad instar recitantium coronam S. Birgittae. — 9. Recitantes quidem *Pater* et *Ave* pro iis qui in mortali degunt, consequuntur tertiam partem remissionis peccatorum. — 10. Recitantes *Ave Maria*, *Salve Regina*, caput inclinantes ad veneranda nomina *Jesu* et *Mariae*, caput inclinantes ad *Gloria Patri*, genuflectentes coram SS. Sacramento, osculantes sanctam crucem, recitantes *Benedicta sit sancta et Immaculata Conceptio B. V. Mariae*, quas indulgentias lucrantur. — 11. Sacerdotes ante celebrationem sacri recitantes: *Ego volo celebrare Missam*, etc.; sacerdotes legentes missam ante celebrationem, recitantes in fine horarum canonicarum

Sacrosanctae et Individuae Trinitati, etc., quas indulgentias lucrantur. — 12. Sacerdotes recitantes orationem: *Obsecro te, dulcissime Domine Jesu Christe*, etc., consequuntur remissionem omnium commissorum et omissorum in missa, nec non 2500 annorum indulgentiam; item indulgentiam 1000 annorum recitantes post missam orationem: *Anima Christi, sanctifica me*, etc. — 13. Comitantes sacrum Viaticum quando ad infirmos defertur, quas indulgentias lucrantur. — 14. Interveniens orationi quadraginta horarum quas indulgentias lucrantur. — 15. Qui ad pulsam campanam in signum elevationis SS. Sacramenti in missa conventuali aut parochiali, genuflexi ubicunque oraverint, quas indulgentias lucrantur. — 16. In regnis regi Hispaniarum subjectis, quicumque die Commemorationis Defunctorum celebrat, animam liberare potest a poenis purgatorii. — 17. Qui communicant ubi singulis mensibus fit communio generalis a Patribus Societatis, lucrantur indulgentiam plenariam, applicabilem pro defunctis. — 18. Recitantes flexis genibus vespere ad pulsam campanam *Angelus Domini*, etc.; *Ecce ancilla Domini*, etc.; *Et Verbum caro*, etc., cum tribus *Ave Mariae*, lucrantur indulgentiam plenariam. — 19. Recitantes flexis genibus ad pulsam campanam mane, meridie, et vespere *Angelus Domini*, e. c.; *Ecce ancilla Domini*, etc.; *Et Verbum caro*, etc., cum tribus *Ave Mariae*, quas indulgentias lucrantur ex novissima concessione Benedicti XIII. Isae indulgentiae non reagent suspensae Anno Sancto. — 20. Circa iam indulgentiam emanatum est speciale indultum pro regularibus et iis in religiosis domibus commorantibus; et novissime a Benedicto XIV facta est pro omnibus specialis declaratio ac nova dispositio, quae affertur. — 21. Recitantes flexis genibus sub horam noctis ad pulsam campanam psalmum *De profundis*, etc., vel semel *Orationem Dominicam* et *Salutationem Angelicam* cum versiculo *Requiem aeternam*, quas indulgentias lucrantur ex novissima concessione Clementis XII. Et istae indulgentiae acquiruntur, sive praedictae orationes recitentur ante, sive post horam noctis, juxta locorum consuetudinem. — 22. Ad indultum Benedicti XIII sub n. 20 allatum extendatur etiam pro *De profundis*. — 23. Habentes coronas, rosaria, cruces, et imagines, seu numismata aut reliqua cum indulgentiis ordinariis solitis concedi a Romanis Pontificibus pro canonizatione sanctorum, quas indulgentias lucrantur. — 24. Visitantes septem principales ecclesias urbis Romae lucrantur maximas indulgentias, et quas. — 25. Undenam sumpsit initium visitatio septem Romanarum ecclesiarum? — 26. Visitantes septem altaria in aliqua ecclesia habente indultum apostolicum lucrantur omnes indulgentias quas lucrarentur si visitarent septem altaria sita, et ad id designata in basilica principis apostolorum de Urbe. — 27. Recitantes orationem *Domine Jesu Christe*, etc., consequuntur octoginta annos indulgentiae. — 28. Assignantur indulgentiae concessae assistentibus missae et divino officio, et respective recitantes ac celebrantes in quibusdam solemnitatibus. — 29. Indulgentiae suspensae anno Jubilei possunt applicari animabus purgatorii per modum suffragii. — 30. Alia ad rem, *remissive*. — 31. Indulgentiae per visum a domino acceptae non admittuntur sub fide referentis. — 32. Indulgentia centum dierum conceditur recitantes genibus flexis singulis feri sextis quinquies orationem Dominicam, et toties salutationem angelicam ad sonum campanae hora tertia post meridiem. — 33. In constitutione Benedicti XIV quae incipit *Ad Passionis* injungitur parochis, rectoribus, etisque superioribus, ut campanam uniuscujusque ecclesiae pulsari faciant tali hora. — 34. Indulgentiae concessae visitantibus ecclesias Urbis per octavam SS. apostolorum Petri, et Pauli. — 35. Indulgentia plenaria concessa pro ecclesia patriarchali Maronitarum. — 36. Indulgentiarum communicatio inter confratres B. M. V. de monte Carmelo et Tertiarios Capucinarum sancti Francisci revocatur. — 37. Indulgentia

centum dierum concedi potest a cardinali majori penitentiario omnibus Christianis qui se penitentiarii virga tangendos pie, reverenterque in tribus Urbis basilicis ipsis submiserint. — 38. Indulgentiae visitantibus ecclesiam concessae acquiri possunt absque eo quod SS. Sacramentum expositum sit. — 39. Indulgentia plenaria in articulo mortis applicari conceditur auctoritate apostolica ab episcopis et ordinariis inferioribus, etiam per alios subdelegatos. — 40. Ad eam acquirendam injungitur specialiter aegris moribundis acceptatio mortis in spiritu resignationis. — 41. Indulgentia plenaria conceditur per omnes ecclesiae ditionis dioecesis iis qui confessi et sacra communione refecti SS. Sacramentum expositum visitaverint diebus bacchanalibus. — 42. Praefatam indulgentiam ad omnes ecclesias catholici orbis pro triduo expositionis SS. Sacramenti numero extendit Clemens XIII. — 43. Docentes rudes homines orationis mentalis regulam et modum itemque qui publice docentes auscultaverint, dummodo vere poenitentes ac sacra communione refecti, toties quoties lucrantur septem annos et totidem quadragenas de indulgentia. — 44. Item si assidue eo convenerint semel in mense, vere poenitentes et communione refecti, orantesque more in indulgentiis consueto, indulgentiam plenariam defunctis etiam applicandam lucrantur. — 45. Indulgentias in forma jubilei concessas abrogavit Clemens VIII. — 46. Clemens XII indulgentiam plenariam die ad libitum quotannis eligenda, concessit iis qui anno integro ad pulsam campanam sub horam noctis recitaverint *Ps. De profundis*, vel semel orationem Dominicam et salutationem Angelicam cum versiculo *Requiem*, in suffragium defunctorum sub conditionibus ut ibi. — 47. Adducitur decretum S. C. pro indulgentiis concessis iis qui pie ac devote actus virtutum theologiarum recitant. — 48. Adducitur rescriptum pro Christianis morantibus in imperio Sinico, etc. — 49. Superiores cujuscunque ordinis, ceterique habentes facultatem communicandi privilegia, etc., non possunt privilegia et indulgentias ampliare et limitare pro sui arbitrio. — 50. Indulgentiae concessae Ecclesiis alicujus ordinis, congregationis, etc., non debent censeri concessae etiam ecclesiis tam parochialibus quam non parochialibus ab ejusmodi ordine dependentibus. — 51. Affertur pro ecclesiis parochialibus duo S. congreg. Indulg. decreta. — 52. Facultas concessa a Clemente XIV impertiendi benedictionem cum indulgentia plenaria in articulo mortis in locis missionum. — 53. Modus a Benedicto XIV approbatus pro impertienda benedictione in articulo mortis. — 54. Affertur tabula designans horarium in materia indulgentiarum.

(1. Alios salutantes dicendo suo vulgari seu latino sermone *Laudetur Jesus Christus*; et respondentes *In saecula*, vel *Amen*, aut *Semper*, lucrantur quinquaginta dies indulgentiae: Sixtus V constitutione incipiente *Reddituri*; et insuper lucrantur alios centum dies ex concessione Benedicti XIII die 22 Jan. 1728. (2. Nominantes reverenter nomen *Jesu* vel nomen *Mariae* lucrantur viginti quinque dies: Sixtus V, ibidem. (3. Habentes talem piam consuetudinem sic salutandi, et respondendi, vel nominandi idem nomen *Jesu*, si in articulo mortis ore, vel corde (si ore non potuerint) idem nomen invocaverint, lucrantur indulgentiam plenariam: Sixtus V, ibidem. (4. Recitantes litanias ejusdem Sanctissimi Nominis lucrantur trecentos dies indulgentiae: Sixtus V, ibidem. Recitantes autem litanias beatissimae virginis *Mariae* lucrantur ducentos dies indulgentiae: Sixtus V, ibidem. (5. Praedicatorum

FERRAR. IV.

tores qui inter praedicandum monuerint auditores ad hunc modum salutandi, invocandi, vel recitandi, seu nominandi nomen *Jesu* et *Mariae*, et quicumque hanc salutationis formam usui esse curaverint, lucrantur easdem indulgentias: Sixtus V in cit. constit. incip. *Reddituri*. Et sic expresse quoad omnia supradicta habetur ibi:

« Quia non est aliud nomen sub caelo in quo nos oporteat salvos fieri, nisi nomen *Jesu*, ideo omnibus et singulis Christianis fidelibus qui hoc modo salutaverint alios, nempe suo vulgari seu latino sermone: *Laudetur Jesus Christus*, et his qui sic responderint *In saecula*, vel *Amen*, aut *Semper*, utique tam salutantibus quam respondentibus quinquaginta, ubicunque id factum fuerit. Qui autem nomen *Jesu* nominaverint reverenter, vel nomen *Mariae*, viginti quinque dies. Qui vero in mortis articulo, ore, vel corde (si ore non potuerint) idem Nomen invocaverint, dummodo ante habuerint consuetudinem sic salutandi vel nominandi idem Nomen *Jesu*, plenariam omnium peccatorum indulgentiam et remissionem. Quique litanias ejusdem SS. Nominis recitaverint, trecentos; qui litanias ejusdem B. virginis *Mariae*, ducentos: nec non praedicatoribus verbi Dei qui inter praedicandum ad hunc modum salutandi, invocandi, vel recitandi, seu nominandi nomen *Jesu* et *Mariae* auditores monuerint, et quicumque hanc salutationis formam usui esse curaverint, easdem indulgentias ac peccatorum remissiones consequantur, auctoritate et tenore praemissis concedimus, et largimur. Volumus autem ut praedictae litaniae Nominis *Jesu* et beatae *Mariae* juxta morem et consuetudinem in Romana curia et domo beatissimae *Mariae* virginis usitatum recitentur. »

(6. Missae sacrificium devote audientes aut celebrantes lucrantur triginta mille et octocentos annos indulgentiae applicabilis per modum suffragii animabus purgatorii: triginta mille ex concessione Innoc. IV, octocentos ex concessione Urbani IV, Martini V, Eugenii IV, et Sixti IV, quorum quilibet concessit pro omni missa ducentos annos. Sic apud Lantuscum in Octavario exercitiorum spiritualium fol. 61, Romae impresso an. 1660, cum approbatione et facultate reverendissimi patris magistri sac. palatii apostolici.

(7. Quinquies *Pater* et *Ave* recitantes in honorem passionis Christi Domini et B. Virginis amaritudinum lucrantur decem mille annos indulgentiae, ex concessione Leonis X omnibus fidelibus facta ad instantiam Fratrum Minorum. Sic apud doctissimum P. Dominicum Viva in Appendice Indulgentiarum, § ult.; Kazenb. l. c., n. 128; Casarubium in Compend. Privil., verb. *Indulgentiae quoad saeculares*, et alios.

(8. Recitantes tertiam rosarii partem lucrantur quinque annos et totidem quadragenas indulgentiae, ex concessione Sixti IV apud Navarr. de Oration. miscellan. 1; Gobat tract. 4 de Indulg., part. II, cap. 31; Kazenb. l. c., n. 128; Viva, loc. cit., § ult. Et insuper,

18